



**REGOLAMENT CUN CRITERIS E MODALITÂTS PE CONCESSION DI CONTRIBÛTS PE
ATUAZION DAL ARTICUL 10 DE LEÇ REGJONÂL DAI 18 DI DICEMBAR DAL 2007, N. 29
(NORMIS PE TUTELE, VALORIZAZION E PROMOZION DE LENGHE FURLANE)**

Fat bon cun Deliberazion dal Consei di Aministrazion n. 27 dai 16 di Jugn dal 2021

Regolament cun criteris e modalitâts pe concession di contribûts pe atuazion dal articulo 10 de leç regionâl dai 18 di Dicembar dal 2007, n. 29 (Normis pe tutele, valorizazion e promozion de lenghe furlane)

Art. 1 finalitâts

Art. 2 beneficiaris

Art. 3 iniziativis finanziabilis

Art. 4 procedure pe individuazion dai beneficiaris

Art. 5 domande di partecipazion al bant

Art. 6 spese amissibile

Art. 7 istrutorie e concession dal contribût

Art. 8 variazioms e proroghis

Art. 9 control preventîf e nuie cuintri

Art. 10 erogazion anticipade

Art. 11 rindicontazion e licuidazion dal contribût

Art. 12 revoche e controis

Art. 13 modalitâts di comunicazion dal inviament dal procediment e dai risultâts dal stes

Art. 14 rimant

Art. 15 jentrade in vore

Art. 1 finalitâts

1. La Agjenzie Regionâl pe Lenghe Furlane, di culî indenant ARLeF, in atuazion dal articulo 6, come 66, letare f quinquies) de Leç regionâl dai 26 di Fevrâr dal 2001, n. 4 cun "Disposizioms pe formazion dal belanç pluriennial e anuâl de Regjon (Leç finanziarie 2001)" e dal articulo 2, come 1, letare k-quater) dal Statût de ARLeF aprovât cun D.P.Regj. n. 0102/Pres. dai 19 di Avrîl dal 2005, e supuarte lis spesis di investiment dai ents locâi pe atuazion dal articulo 10 de leç regionâl dai 18 di Dicembar dal 2007, n. 29 (Normis pe tutele, valorizazion e promozion de lenghe furlane).

Art. 2 beneficiaris

1. A puedin acedi ai contribûts normâts di chest regolament i ents locâi che a operin intal teritori di insediament dal grup linguistic furlan delimitât daûr dal articulo 5 de leç regionâl dai 22 di Març dal 1996, n. 15 (Normis pe tutele e pe promozion de lenghe e de culture furlane e istituzion dal servizi pes lenghis regionâls e minoritariis).

2. Lis ativitâts a puedin jessi realizadis di Comuns singui o associâts pe gjestion des funzions e dai servizis in merit ai interventis che a son di fâ.

3. Pes iniziativis realizadis in forme associate, la domande e je compilade dal sogjet che al à titul e a cheste si zonte une copie dal at juridic constitutîf de forme colaborative, che il so tiermin ultin di durade nol podarà jessi anteriôr al tiermin finâl di realizazion dai interventis.

4. Tal câs che un Comun al presenti domande sedi bessôl che in forme associate, si cjaparà in considerazion dome la domande presentade in forme associate.

Art. 3 iniziativis finanziabilis

1. Lis iniziativis finanziabilis a puedin rivuardâ:

a) l'acquist e la instalazion di segnaletiche stradâl verticâl bilengâl talian-furlan;

b) l'acquist e la instalazion di cartei, insegnis, supuarts visîfs e ogni altre indicazion di utilitât publiche esponude al public, in forme bilengâl talian-furlan, tai imobii che a son sede di uficis e di struturis operativis;

- c) l'acquist e la instalazion di scritis e di supuarts visîfs bilengâi talian-furlan sui mieçs di traspuart.
2. Il bant previodût dal articul 4 al stabilis cualis che, tra lis iniziativis dal come 1, a son finanziabilis su la fonde di chest.
 3. Il bant al pues ancje circoscrivi il finanziament a categoriis specifichis di segnaletiche o di cartelonistiche.
 4. Lis scritis in lenghe furlane su la segnaletiche e sui supuarts visîfs descris tal come 1 a àn la stesse evidence grafiche di chês par talian e a rispjetin la grafie uficiâl de lenghe furlane daûr dal articul 5 de leç regionâl 29/2007.
 5. La segnaletiche stradâl e je realizade in conformitât cun chel che al è previodût dal articul 1, come 10, de leç regionâl dai 3 di Lui dal 2000, n. 13 (Disposizionis colegadis ae Leç finanziarie 2000).

Art. 4 procedure pe individuazion dai beneficiaris

1. Lis modalitâts di procediment pe individuazion dai beneficiaris e pe cuantificazion dal contribût a son stabilidis di un bant di pueste tra chês previodudis de leç regionâl dai 20 di Març dal 2000, n. 7 (Test unic des normis in materie di procediment aministratîf e di dirit di acès). Il bant al è emanât cun decret dal Diretôr de ARLeF, di culî indenant Diretôr, su la fonde di ce che al è previodût dai ats di direzion aprovâts dal Consei di Aministrazion de ARLeF.
2. Tal bant e je la indicazion di chescj elements:
 - a) tipologjie des iniziativis finanziabilis, intal rispjet di chel che al è previodût dal articul 3;
 - b) risorsis finanziariis metudis a disposizion;
 - c) modalitâts di procediment pe individuazion dai beneficiaris e pe cuantificazion dal contribût;
 - d) percentuâl massime dal contribût di podê concedi su la spese considerade amissibile, ancje previodint diferenziacions su la fonde de popolazion residente;
 - e) tiermins e modalitâts di presentazion des domandis;
 - f) modalitâts di erogazion dal contribût;
 - g) modalitâts e tiermin di rindicontazion;
 - h) ogni altri adempiment domandât.
3. Il bant al è publicât sul sît web istituzionâl de ARLeF.

Art. 5 domande di partecipazion al bant

1. La domande, firmade in forme digjitâl, cun pene di inamissibilitât, dal sogjet che al à podê di impegnâ viers l'esterni l'ent che al fâs domande, e je presentade, complete in ogni sô part, daûr des modalitâts stabilidis tal bant descrit tal articul 4.

Art. 6 spese amissibile

1. La determinazion de spese amissibile a contribût e je fate su la base de verifiche di coerence e di congruitât tra la tipologjie di intervent che si domande il finanziament e il preventîf particolâr di spese.

Art. 7 istrutorie e concession dal contribût

1. L'Ufici di Direzion, di culî indevant Ufici, al acierte la sussistence des carateristichis di amissibilitât, al verifiche la completece e la regolaritât formâl des domandis, al domande eventuai sclariments e integrazions di chestis.

2. Po dopo, l'Ufici al procêt, su la fonde di ce che al è previodût dal bant, a individuâ i beneficiaris e a cuantificâ il contribût, dant comunicazion ai interessâts e publicant i risultâts sul sît istituzionâl de ARLeF.
3. Il contribût al è concedût cun decret dal Diretôr.
4. Il beneficiari si impegne a dâ une evidence adeguade de poie de ARLeF tal ambit des eventuâls ativitâts di comunicazion su la iniziative.

Art. 8 variazions e proroghis

1. Il beneficiari al à di lâ daûr, te realizazion de ativitât, di ce che al jere specificât te documentazion furnide tal moment de presentazion de domande. Il Diretôr al pues autorizâ, in maniere preventive e daûr di une domande motivade, eventuâls variazions o compensazions tra lis diviersis tipologjii di spesis amissibilis previodudis, a cundizion che al sedi garantît l'otigniment des finalitâts previodudis dal Bant.
2. La proroghe dal tiermin previodût pe conclusion des ativitâts e pues jessi concedude dal Diretôr, daûr di une domande motivade di presentâ prime de scjadince di chel tiermin.

Art. 9 control preventîf e nuie cuintri

1. Pai fins dal rispiet des disposizions normativis regionâls su lis modalitâts di realizazion de segnaletiche e de cartelonistiche bilengâl, la forme e la grafie des scritis in lenghe furlane a son subietis al parê preventîf, obligatori e vincolant de ARLeF.
2. Tal rispiet di ce che al è previodût dal come 1, la ARLeF e procêt a furnî la consulence necessarie su la base dai tescj furnîts dal sogjet che al fâs domande che, prime di realizâ la segnaletiche o la cartelonistiche, al invie ae ARLeF i stampons relatîfs. Dopo de verifiche dai stampons definitîfs, la ARLeF e procêt a dâ il nuie cuintri ae produzion.

Art. 10 erogazion anticipade dal contribût

1. Il bant al pues previodi la erogazion anticipade fin al 50% dal contribût concedût, tai limits des disponibilîtâts di casse de ARLeF.

Art. 11 rindicontazion e licuidazion dal contribût

1. Il rindicont dal contribût al è presentât ae ARLeF dentri dal tiermin fissât dal bant, cu lis modalitâts previodudis dal Titul II, Cjapitul III, de leç regionâl dai 20 di Març dal 2000, n. 7 (Test unic des normis in materie di procediment aministratîf e di dirit di acès) e specificadis dal bant stes.
2. In sede di rindicontazion a son ametudis compensazions tra lis vôs di spese dome se motivadis in maniere adeguade, e dut câs no di plui dal 25 par cent di chês stessis.
3. Il tiermin di rindicontazion al pues jessi prorogât se la domande relative e à une juste motivazion e se e je presentade prime de scjadince di chel tiermin.
4. Dopo de aprovazion de rindicontazion, si procêt cul licuidâ il contribût o cul saldâlu, tal câs di erogazion anticipade.

Art. 12 revoche e controis

1. Il Diretôr al pues ordenâ la revoche dal contribût se al verifiche:
 - a) la diformitât sostanzial tra lis iniziativa realizadis in concret e chês ogjet dal proviodiment di concession;
 - b) ritarts grâfs te realizazion de iniziative, par colpe dal sogjet che al à di realizâle;

- c) mancjât rispjet di ce che al è previodût dal articul 9;
 - d) altris câs previodûts dal bant.
2. I beneficiaris a puedin jessi sometûts a verifiche ispetive o a controis, in particolâr cun riferiment ae realizazion efetive de iniziative finanziade.

Art. 13 modalitâts di comunicazion dal inviament dal procediment e dai risultâts dal stes

1. La comunicazion dal inviament dal procediment aministratîf, previodude dal articul 14 de L.R. 7/2000, e je publicade sul sît web istituzionâl de ARLeF. Cheste publicazion e constituîs comunicazion individuâl dal inviament dal procediment.
2. I risultâts dal procediment a saran comunicâts ai interessâts in maniere direte e a saran publicâts sul sît web istituzionâl de ARLeF.

Art. 14 rimant

1. Par chel che nol è previodût di chest regolament si aplichin lis normis contignudis tal Titul II e tal Titul III de leç regionâl dai 20 di Març dal 2000, n. 7 (Test unic des normis in materie di procediment aministratîf e di dîrit di acès).

Art. 15 jentrade in vore

1. Chest regolament al ven inserît te racuelte dai regolaments de ARLeF e al jentre in vore la zornade dopo de sô aprovazion.